



Tadqiqot.uz

ISSN 2181-9297

Doi Journal 10.26739/2181-9297

СЎЗ САНЪАТИ  
ХАЛҚАРО ЖУРНАЛИ  
4 СОН, 3 ЖИЛД

МЕЖДУНАРОДНЫЙ ЖУРНАЛ  
ИСКУССТВО СЛОВА  
НОМЕР 4, ВЫПУСК 3

INTERNATIONAL JOURNAL  
OF WORD ART  
VOLUME 4, ISSUE 3



ТОШКЕНТ-2020

# **МУНДАРИЖА \ СОДЕРЖАНИЕ \ CONTENT**

## **1. Aimbetova Gulayim**

FIRST INVESTIGATIONS IN KARAKALPAK LITERATURE AND LINGUISTICS.....4

## **2. Imomkulova Oysanam**

O'TKIR HOSHIMOVNING "TUSHDA KECHGAN UMRLAR"

ROMANIDA BADIY XARAKTER YARATISH MAHORATI VA RUHIYAT TALQINI.....9

## **3. Ўраева Дармоной, Назарова Гулбахор**

ИНГЛИЗ ВА ЎЗБЕК АДАБИЁТИДА ҚУШЛАР ОБРАЗИ.....16

## **4. Джурахолова Баҳора**

ГЕНДЕР ТУШУНЧАСИНИНГ СОЦИОЛОГИК ВА ЛИНГВИСТИК ЖИҲАТДАН ТАЛҚИНИ.....23

## **5. Jalilova Dilorom**

INGLIZ ZABON GAZETA SARLAVHALARI KLASSIFIKATSIVASI

VA ULARNING TARJIMADAGI XUSUSIYATLARI.....29

## **6. Алланазарова Мамура**

ЛИНГВОМАДАНИЯТШУНОСЛИК ФАНИНИНГ АСОСИЙ ХОЛАТЛАРИ.....35

## **7. Тошпўлатов Акрам**

"ДАШТУ ДАЛАЛАРДА" НОVELLASИДА ХАРАКТЕР ЯРАТИШ МАҲОРАТИ.....42

## **8. Nilufar Khodjaeva, Gubayeva Khurshida**

ISSUES ON TRANSLATION OF CHARACTER SPEECH

(ON THE EXAMPLE OF KOREAN-UZBEK LITERATURE).....48

## **9. Rajabova Sadoqat**

QARORLAR TILIDA ISHLATILGAN NEOLOGIZMLAR IZOHI.....53

## **10. Sharipova Sunbula**

ALISHER NAVOIY "XAMSA"SIDA ABDURAHMON JOMIY SIYMOSI.....60

## **11. Бозорова Умида, Сайдов Ёқуб**

ЖАДИД ШЕЪРИЯТИДАГИ ҚАДИМГИ ТУРКИЙ ЛЕКСИКАНИНГ МАВЗУЙИЙ ТАСНИФИ.....65

## **12. Yusupova Dilzoda**

O'ZBEK MAROSIM FOLKLORINING O'RGANILISHI VA TASNIFI MASALALARI.....71

## **13. Mamirova Dilnoza**

REKLAMA MATNLARINING TIL XUSUSIYATLARI.....78

## **14. Нуруллаева Сарвиноз, Ўринова Мафтуна**

ЗАМОНАВИЙ ЎЗБЕК ШЕЪРИЯТИДА ҚУШ КЎРИНИШИДАГИ

МИФОЛОГИК ОБРАЗЛАР ТАСВИРИ ВА ТАЛҚИНИ.....84

## **15. Джалилова З.Б.**

ИНГЛИЗ ШЕЪРИЯТИДА ИНСОН СИФАТЛАРИНИНГ

ГУЛЛАР ТИМСОЛИДА ИФОДАЛАНИШИ.....90

## **16. Салойдинова Наргиза**

ҚУРИЛИШ ТЕРМИНОЛОГИЯСИНИНГ БОШҚА ФАНЛАР

ТЕРМИНОЛОГИЯСИ БИЛАН БОҒЛИҚЛИК ТАМОЙИЛЛАРИ.....95

## **17. Курбоназарова Наргис**

ЛИСОНИЙ ТИЗИМДА ЭТНОГРАФИК БИРЛИКЛАРНИНГ ЛИНГВОМАДАНИЙ

АСПЕКТИ (СУРХОНДАРЁ ТЎЙ МАРОСИМЛАРИ МИСОЛИДА).....99

# СҮЗ САНЬАТИ ХАЛҚАРО ЖУРНАЛИ МЕЖДУНАРОДНЫЙ ЖУРНАЛ ИСКУССТВО СЛОВА INTERNATIONAL JOURNAL OF WORD ART

Нуруллаева Сарвиноз Мажидовна,  
Бухоро давлат университети,  
Ўзбек адабиёти кафедраси таянч докторанти  
Ўринова Мафтуна Нўмон қизи,  
Бухоро вилояти Гиждувон тумани,  
60-мактаб ўқитувчиси

## ЗАМОНАВИЙ ЎЗБЕК ШЕЪРИЯТИДА ҚУШ КЎРИНИШИДАГИ МИФОЛОГИК ОБРАЗЛАР ТАСВИРИ ВА ТАЛҚИНИ



<http://dx.doi.org/10.26739/2181-9297-2020-4-14>

### АННОТАЦИЯ

Ушбу мақолада халқ оғзаки ижодига мансуб қуш кўринишидаги мифологик образларнинг замонавий ўзбек шеъриятидаги тасвири ва талқини хақида фикр юритилган. Замонавий ўзбек шеъриятида қуш кўринишидаги мифологик образларни стилизациялаш ва метафоризациялаш орқали ижодкор туйғу, кечинмалари ва мақсади ўқувчи-адресатга ҳиссий таъсиран қилиб етказилади. Жумладан, Ҳумо, Семурғ, Анқо, Самандар, Жестирноқ каби қуш қиёфасидаги мифологик образлар шеъриятда баҳт, омад, бойлик, садоқат, ноёблик, тинчлик, вафо каби тимсолий маъноларни ифодалаш учун бадиий восита бўлиб хизмат қиласди. Ушбу мақолада Ҳумо, Семурғ, Самандар, Ҳаққуш каби қуш қиёфасидаги мифологик образлар замонавий ўзбек шеъриятидан олинган мисоллар ёрдамида таҳлил қилинган.

**Таянч сўзлар:** мифологик образ, стилизация, метафоризация, мифонимлар, Ҳумо, Семурғ, Самандар, Ҳаққуш.

Нуруллаева Сарвиноз Мажидовна,  
Бухарский государственный университет,  
докторант кафедры узбекского литературы  
Уринова Мафтуна Нўмон қизи,  
Школа № 60, Бухара, преподаватель

## ОПИСАНИЕ И ИНТЕРПРЕТАЦИЯ МИФОЛОГИЧЕСКИХ ОБРАЗОВ В ВИДЕ ПТИЦЫ В СОВРЕМЕННОЙ УЗБЕКСКОЙ ПОЭЗИИ

### АННОТАЦИЯ

В статье рассматривается изображение и интерпретация мифологических образов в виде птиц, принадлежащих к фольклору, в современной узбекской поэзии. В современной узбекской поэзии посредством стилизации и метафоризации мифологических образов в виде птиц, эмоционально передаются читателю - адресату чувство, переживания и цели поэта. В частности, мифологические образы в виде птиц, такие как Ҳумо, Семурғ, Анқо, Самандар, Джестирнак, служат художественным средством выражения в поэзии символических

значений, таких как счастье, удача, богатство, верность, уникальность, мир, верность. В данной статье на примерах из современной узбекской поэзии анализируются мифологические образы в виде птиц, таких как Хумо, Семург, Самандар, Хаккуш.

**Ключевые слова:** мифологический образ, стилизация, метафоризация, мифонимы, Хумо, Семург, Самандар, Хаккуш.

**Nurullaeva Sarvinoz Majidovna,**  
Bukhara State University, PhD Student  
of the Department of Uzbek Literature

**Urinova Maftuna Numon qizi**  
School №60, Bukhara, Teacher

## DESCRIPTION AND INTERPRETATION OF MYTHOLOGICAL IMAGES APPEARANCE OF BIRDS IN MODERN UZBEK POETRY

### ANNOTATION

This article discusses the description and interpretation of mythological images in the form of birds belonging to folklore in modern Uzbek poetry. In modern Uzbek poetry, through the stylization and metaphorization of mythological images in the form of birds, the poet's feelings, experiences and goals are emotionally conveyed to the reader - the addressee. In particular, mythological images in the form of birds, such as Humo, Semurg, Anko, Samandar, Jestirnak, serve as an artistic means of expressing symbolic meanings in poetry, such as happiness, luck, wealth, loyalty, uniqueness, peace, fidelity. In this article, using examples from modern Uzbek poetry, mythological images in the form of birds, such as Humo, Semurg, Samandar, Hakkush, are analyzed.

**Key words:** mythological image, stylization, metaphorization, mythonyms, Humo, Semurg, Samandar, Hakqush.

Ўзбек шеърияти ранг-баранг образлар тизимиға эгадир. Улар орасида мифологик образлар ҳам борки, ўзига хос вазифаси, хусусиятлари ва поэтик талқини билан алоҳида дикқатга сазовордир.

Инсон яралибдики, ўзини ўраб турган атроф-оламни ўрганишга, ҳодисалар сабабини билишга интилади. Шу интилиш ва қизиқиши натижасида пайдо бўлган дастлабки билимлар мифологик қарашларни ташкил этади. Зеро ибтидоий одамнинг оламни образли тасаввур қилиши натижасида ҳиссий образлар сифатида мифологик образлар пайдо бўлган. Мифологик образлар барча халқларда мавжуд бўлиб, улар ҳар бир халқнинг миллий, маданий тушунчалари асосида кодлаштирилган.

Мифологик образлар замонавий ўзбек шеъриятида кўчма маънода қўлланилиб, инсоннинг турли кечинмаларини бадиий ифодалашга хизмат қиласи. Жумладан, ялмоғиз очкўзлик, шайтон айёрлик, аждар ёвузилик, Азоил шафқатсизлик, дўзах азоб-уқубат, дев душманлик каби семаларда инсон нафратини интенсив ифодалаш рамзига айланган бўлса, пари гўзаллик, фаришта беозорлик ва бегуноҳлик, жаннат фаровонлик, Хизр омад, Хумо ва Семург баҳт ва давлат, Самандар ва фародорлик маъносини ифодалаш учун қўлланилади.

Рус олим Н.Д. Арутюнова “сўзнинг маъноси қанчалик мавхум ва камситувчи бўлса, шунчалик осон метафоризация қилинади”, деб хисоблайди.[1]

Рамз ва метафора, асосан, бадиий асарнинг ўзига хос ифода услуби сифатида қўлланилади. Бу шуни англатадики, метафоризациялаш орқали ўқувчининг тасаввурига конкрет образ тасвири етказиб берилади.

Энг кенг қўлланиладиган қуш кўринишидаги мифологик образлардан бири Ҳумодир. Хумо эзгулик рамзи бўлган афсонавий қуш номи бўлиб, халқнинг ишонч-эътиқодига кўра, агар у кимнинг бошига қўнса ёки сояси тушса, ўша киши энг баҳтли бўлади, давлат ва

салтанатга эришади, деб қаралади. Шундан келиб чиқиб, эътиқод қилинган бу афсонавий күшни “баҳт қуши”, “давлат қуши” ҳам дейдилар.[13,561]

Ўзбек фольклорида Ҳумо қуши образини маҳсус тадқиқ қилган олим К.Имомовнинг қайд этишича, Ҳумо қушининг мифологик маъноси “қуёшга қўнган қуш”дир. Ҳар бир ҳаракати эса илохий ва магик қудрати билан боғлиқ белгиларда тавсифланган. [4,24]

Замонавий ўзбек шеъриятининг ёрқин вакилларидан бири О.Хожиеванинг “Хонадон” шеъридан олинган қуйидаги мисраларда Ҳумо образи тўғридан-тўғри бешикка ўхшатилган ва ушбу образ рамзий маънода баҳтни, инсоннинг гўдаклик чоғлари энг баҳтли ва бегам онлар эканлигини кўрсатиш хизмат қилган:

Шўх юлдузлар ҳақидаги қўшиғинг  
Ўқтин-ўқтин тушиб қолса эсингга,  
Кўзмунчоқлар безаб турган бешигинг  
Ҳумо қушдай кўринади кўзингга. [14,78]

Ж.Сирожиддиннинг “Даъват” шеърида ҳам Ҳумо қуши давлат ва баҳт, омад, фаровонлик маъносида стилизация қилинган:

Золим замон ўтиб, мазлумға дўнар,  
Бўлур озод Ватан маҳрам работим!  
Тобакай тўнкага Ҳумо қуш қўнар?!  
Озод бўл, обод бўл, эй хароботим. [9,4]

Шоир ватанида зулм, тобелик ҳукм суроётган замонни тўнкага Ҳумо қуши қўнганига менгзаб, унинг бошимизга соя соладиган вақти келганлигини таъкидлайди, хароб юртни озод ва обод қилишга чақиради. Ж.Сирожиддин қаламига мансуб қуйидаги сатрларда ҳам Ҳумо образи баҳт, омад, фаровонлик, гўзаллик, хушвақтлик маъноларини умумийлаштириб келган:

Ажаб қушхонани кўргил, ажаб қушхонани кўргил!  
На парвозу, на роз, бозу-хумоларни соғинган дил. [9,111]

Кўриниб турибдики, юқоридаги мисраларда мустамлака юрт қушхонага (қафасга), унда зулм ҳукм суроётгани қушхонадаги ҳолатга ўхшатилган. Мутелиқда қўнгил қуши на эркин парвоз қила олади, на ўйнаб кула олади. Шу боис юрак баҳтли, хуррам кунларни соғинганини шоир Ҳумо мифологик образи орқали ифодалайди.

Шоира Ҳ.Аҳмедованинг “Ҳаммаси ўткинчи...” шеърида эса “баҳтли кунлар” маъноси ҳумолар метафораси воситасида берилган. Ташибишли кунлар ўткинчи, ойнинг ўн беши қоронғу, ўн беши ёруғ эканлигини рамзий ифодалаган:

Ҳаммаси ўткинчи, ҳаммаси,  
Барини кечирап самолар.  
Замин интиҳосиз айланаверар –  
Минг бора туғилар ҳумолар. [2,30]

Тўра Сулаймон ижодида ҳам Ҳумо мифологик образидан фойдаланилган. Чунончи:

Баҳт қуши топмиш қўналга шонли Туркистон айланиб –  
Ўз ҳолиға келмиш Турон замондин замон айланиб.  
Ҳазрати Хизр юрибди ҳур Ўзбекистон айланиб,  
Туғросига қўнмиш Ҳумо мустаҳкам Қўрғон айланиб,  
Чор атрофга зоф йўлатмас Семурғ довон айланиб.  
Амир Темур руҳи шодмон иззатли Султон айланиб,  
Бу не баҳтким, юрса Ҳудхуд Тўра Сулаймон айланиб! [10,18]

Шоирнинг “Айланиб” шеъридан келтирилаётган ушбу мисраларда баҳт қуши номини олган Ҳумо, Семурғ образларига мурожаат қилинмоқда.

Юқоридаги шеърда Ҳумо қуши образи орқали шонли Туркистонга яна қайта баҳт инъом этган истиқлолдан шодланиш, руҳланиш, ғуурланиш ғояси илгари суримоқда. Бугунги кунда ҳур Ўзбекистон заминида яшайдиган ҳар бир инсон худди бошига Ҳумо қуши қўнгандай ёхуд Ҳазрати Хизрга йўлиққандай, ўз орзу-истагига тез етишаётгани ёритилмоқда.

“Шайдолик” шеърида эса Ҳумо образи Ҳумой шаклида ифодаланган:

Юлдузлар йиғилиб Ой бўлса кошки,  
 Ҳар қандай қуш Ҳумой бўлолса кошки.  
 Ҳар ким ҳам Ҳотамтой бўлолса кошки,  
 Диёнат не қилсин мунофиқ зотда. [10,21]

Ойдин Ҳожиеванинг “Яшил май” шеърида ҳам худди шундай шаклда учрайди ва галаба, зафар, дўстлик маъноларини умумлаштириб келади:

Битар эдим сайллари забаржад ой деб,  
 Биродарлик қўшиқларин кашф этган сана,  
 Ғалабадан дарак берган қутлуғ **хумой** деб,  
 Хосиятли қадамига – офтоб кўрмана![14,249]

Хумо образи Семурғ шаклида ҳам қўлланилади. Семурғ шарқ ҳалқлари оғзаки поэтик ижодидаги афсонавий қуш образи бўлиб, ижобий қаҳрамоннинг дўсти, ҳомийси, ҳимоячиси, ҳамроҳи сифатида тасвирланади ва осмонда учиш, узоқ манзилни яқин қилиш ҳақидаги асрий орзу-умидларнинг рамзий ифодаси ҳисобланади. Даствор Эрон мифологиясида пайдо бўлган семурғ қуши “Авесто”да “сенемург” шаклида ишлатилган. Туркий ҳалқларда Семурғ Ҳумо, Анқо, Давлат қуши, Бахт қуши, Маркумомо, Кунтубулғон, Булбулигўё каби варианларда учрайди.

Шеъриятда семурғ образига мурожаат қилиш орқали, асосан, бахт, нажот, рўшнолик тиланади. Чунончи, Жамол Сирожиддиннинг “Бас-эй сассиқ сўкуш...” деб бошланувчи шеърида шоир Семурғга мурожаат қилиш орқали озодлик, эркинликни истаётганини, ундан нажот кутаётганини билдиради:

Ажаб қисмат йилон бирла ўшал сиймурғ қафасдошмиз,  
 Ўзинг қутқар аё Семурғ самоларни соғинган дил[9, 111].

Халқ қарашларига кўра, Семурғ, Анқо қушларининг макони Қоф тоғи бўлиб, уни топиш мушкул ва ҳаттоки имконсиздир. Шеъриятда ушбу мифологик образлар аксарият ҳолларда ёнма-ён келади:

**Кўхи Қофнинг** бошига,  
**Семурғ** солганда соя,  
 Ёмғирни йифлатганда,  
 Онам айтган ҳикоя  
 Бор эдимми, йўқ эдим...[3,51]

Яна бир зооморф мифологик образ самандар бўлиб, у зардуштийлик динида улуғланган афсонавий ва мұқаддас жонивордир. Уни қуш ёки калтакесаксимон мавжудот сифатида талқин қиласидар. Афсонага кўра, у ўт ичида туғилади ва ўт ичида яшайди. Оловдан чиқса, ҳалок бўлади.

Шоир Ж.Камолнинг “Бўлмагай” шеърида самандар образидан қўйидагича фойдаланилган:

Бўлмагай қўнглим самандардек ҳавои ишқ аро,  
 То унинг остида оташ устида кул бўлмагай. [5, 217]

Мумтоз шеъриятда кўпинча самандар образи ишқ туфайли ёнган қўнгилга ўхшатилади. Ишқ ўтисиз ошиқ қўнгли самандардек нобуд бўлиши тасвирланади. Ж.Камолнинг юқоридаги мисраларида ҳам қўнгил самандарга, ишқ ўт-оловга менгзалган. Самандар оловдан ҳавога кўтарилса, нобуд бўдгани каби қўнгил ишқни тарк этса вайрон бўлади. Шу боис шоир ишқ олови бор экан, уни қўнглим тарк этмайди, ишқ ичра ёниб яшайди, қўнглим ишқ билан тирик дейди.

Тўра Сулаймон шеъриятида ҳам реал образлар билан бир қаторда мифологик образлар келтирилганига гувоҳ бўлиш мумкин.

Шоир шеърларида учрайдиган мифологик образлардан бири Ҳакқушдир. Жумладан, шоирнинг “Илтижо” шеърида Ҳакқуш образи қўлланилган шундай мисралар учрайди:

Баҳор келса, бошланур боғда булбул хониши,  
 Саъва, кумри нағмаси, суралай товланиши,  
 Қирларда лола сайли, қишлоқларда йил боши:

Тўхтагай табиатдан Ҳаққушлар зорланиши  
Баҳор, кетма менинг боғимдан.[11,9]

Ҳақкуш образидан шоир “Ўхшар” сарлавҳали шеърида ҳам фойдаланган:

Ҳаққушга хатарсиз ошён муносиб,  
Кўклам қушларига чаман муносиб.  
Йигит-қизга аҳду паймон муносиб,  
Бусиз кўнгил зилу замбилга ўхшар[11,19].

“Сулув” шеърида эса кўнгил изтиробини, мунгни ифодалаш мақсадида най билан параллел қўллайди:

Субҳ елидан маст бўлиб  
Ҳаққуш сайрамоқдайди,  
Қайлардадир най саси...  
Кўнгил яйрамоқдайди[11,39].

Ҳақкуш – узун оёқли қушлар туркумининг қарқаралар оиласига кирувчи парранда.[13,523] У халқ орасида Ҳаққув деб ҳам юритилади. Бу күшнинг келиб чиқиши инсон билан боғланади ва шуниси билан афсонавийлик касб этади.

Умуман олганда, куш кўринишидаги мифологик образлар тасвири ва талқинида бир қатор умумийлик ва хусусийлик белгилари мавжуд бўлиб, уларни қуидагича тавсифлаш мумкин:

- ҳумо – баҳт ва давлат қуши, тарихий илдизлари “Авесто”даги олов маъбути (баҳт ва толе тимсоли) Xварна Фар билан боғланади;
- семурғ – баҳт қуши, келиб чиқиши сув илоҳи Анаҳита билан ҳам боғланади;
- анқо – баҳт ва толе қуши, унинг асосий белгиси кўзга кўринмаслик бўлиб, йўқликнинг тимсоли саналади.

Демак, ушбу мифологик образлар “баҳт” белгиси орқали умумийликка эга бўлиб, аждодларимизнинг азалий орзу-истакларининг ифодачиси ўлароқ юзага келган.

Хуллас, куш киёфасидаги мифологик образларнинг образлилик, тасвирийлик категориялари хос бўлган бадиий нутқда қўлланилиши орқали тилнинг эстетик функцияси намоён бўлади. Ўкувчига алоҳида куч билан таъсир қилиш, образ яратиш учун тасвирий восита сифатида, асосан, метафорадан фойдаланилади. Шунинг учун улар орқали инсоннинг турли эмоцияси экспрессив тарзда ўз ифодасини топади. Биз таҳлилга тортган мифологик образлар воситасида, асосан, инсоннинг ижобий ҳис-туйғулари ифодаланади.

## Фойдаланилган адабиётлар рўйхати

1. Арутюнова Н.Д. Метафора и дискурс // Теория метафоры. – М., 1990.
2. Аҳмедова Ҳ. Эрк даричаси: Шеърлар. – Т.: Адабиёт ва санъат нашриёти, 1996. – 120 б.
3. Аҳмедова Ҳ. Умид сояси (Шеърлар). – Т.: Ниҳол, 2008. – 168 б.
4. Имомов К. Ўзбек фольклорида Ҳумо қуши // Ўзбек тили ва адабиёти. – Тошкент. – 2011. – №5. – Б. 24.
5. Камол Ж. Аср билан видолашув. Сайланма. I жилд (Шеърлар, достонлар). – Т.: Фан, 2007. – 336 б.
6. Majidovna NS, Saidakhmedovna UD. Expression of war events and people through mythological images. // ACADEMICIA: International Multidisciplinary Research Journal. ISSN: 2249-7137. Vol. 10, Issue 8, August 2020. Impact Factor: SJIF 2020=7.13. – P. 461 – 465.
7. Nurullayeva SM. Metaphorization of the “devil” myth in modern Uzbek poetry. “Сўз санъати халқаро журнали / Международный журнал искусство слова / International Journal of Word Art”. – Т. 2019. - №4. – Б.25-29.
8. Nurullaeva S.M., Uraeva D.S. Metaphorization of the “dragon” image in Uzbek classic poetry. – World Science: Problems and Innovations. – Пенза, 2020. – С. 119 – 221.
9. Сирожиддин Ж. Заҳҳок салтанатинда (Шеърлар). – Самарқанд: Суғдиёна, 1994. – 136 б.

10. Сулаймон Т. Гулшан. – Т.: F.Ғулом, 1988. – 100 б.
11. Сулаймон Т. Истар кўнгил (Шеърлар, достонлар). – Т.: F.Ғулом, - 1984. – 222 б.
12. Ўраева Д.С. Замонавий шеъриятда бадиий кўчимларнинг янгиланиши. – Buxoro davlat universiteti ilmiy axboroti. – Бухоро. – 2014. – № 4 (56). – Б.50-53.
13. ЎТИЛ. 5 жилдлик. 5-жилд. – Т.: ЎзМЭ, 2008. – 592 б.
14. Ҳожиева О. Мушфик онажон (Шеърлар ва шеърий қисса). – Т.: F.Ғулом, 1983. – 274 б.